

Cingsih Si Vadung Cin Banh Ciet-fwen Cienzdoengj “Sam Nyied Sam”

Vih fatyienz caeuq swncienz vwnzva minzcuz, fungfouq gij ndwenngoenz vwnzva vunzlai, ndwen 4 ngoenz 7(liggaeuq ndwensam cosam) Cingsih Si Vadung Cin Gaivadung banh aen hozdung cietfwen cienzdoengj “sam nyied sam”. Hozdung lai

dangqmaz, miz eu fwen doxdax, bengcag doxdax, dwkgeiz doxdax, dwkgiuz doxdax, dwkdomq doxdax daengj minzsuz vwnzva hozdung, yinx ndaej haujlai bouxhek daeuj yawj-ngonz guh angq.

(Vangz Anhcungh/黄安忠)

► Eu fwen doxdax yienhciengz.



▲ Doih foux saeceij caez hwnj daiz.

Dunghyangh Cin “Sam Nyied Sam” Foux Saeceij Biujyienj Ndeiyawj Raixcaix

Ndwen 4 ngoenz 7, aen faenhohicengz Dunghyangh Cin ciet lijyouz vwnzva minzsuz “sam nyied sam Bouxcuengh” bi 2019 Vujsenh Yen, aen cin neix youq Sanhdoh Cunh gvangjcangz banh “Cungguk—Dunghyangh Cin gaiq daihsam foux saeceij biujyienj doxdax” gij cezmuz ndeiyawj, doih foux saeceij Meizsanh Cunh Wdangz Cin, doih foux saeceij Hungzyingh Dunghyangh Cin, doih foux saeceij Vangcunh Sanhlij Cin, doih foux saeceij Vazya Namzningz daengj 7 aen doih caeuqfaenh doxdax.

(Lij Ganginh/李千金)



Sanhgyangh: Ciengj Bauqva Angqhoh “Sam Nyied Sam”



▲ Dahsau ram bauqva cunzyouz.

Ndwen 4 ngoenz 7, Sanhgyangh Dungcuz Swciyen Fuluz Myaucuz Yangh banh ciet bauqva cienzdoengj minzcuz “sam nyied sam” gaiq daih 135, geij fanh boux beixnuengx gak cuz Guengsae Gveicouh daengj doxcomz giz ndeu, yung ciengj bauqva, minzsuz cunzyouz daengj hozdung lai yiengh angqhoh cietndei. Ciuq cam rox, ciet bauqva “sam nyied sam” Fuluz Myaucuz Yangh daj mwh Genzlungz hainduj, liz seizneix gaenq miz 200 lai bi.

(Gunj Yicungh/滚亿忠)

Lungzswng: Daegsaek Dijyuz Doxdax Angqhoh “Sam Nyied Sam”



▲ Vunzlai dwkdomq doxdax.

Ndwen 4 ngoenz 7, youq Lungzswng Gak Cuz Swciyen Minzcuz Gvangjcangz, vunzlai dangdieg guh gak cungj doxdax. Ngoenzhaenx dwg ngoenzciet cienzdoengj “sam nyied sam Bouxcuengh”, aen yienh neix 10 aen doih daiqbiuj yanghein caeuqfaenh bengcag, dwkdomq, sam vunz haizgieg daengj cienzdoengj diyyuz hanghmoeg doxdax, roxnyinh gij yinxdaeuz cienzdoengj diyyuz hanghmoeg.

(Vangz Yungjdanh/黄勇丹)

Yungzsuij: Angqhoh “Sam Nyied Sam”

Ndwen 4 ngoenz 7 dwg liggaeuq ndwensam cosam, Yungzsuij Myaucuz Swciyen haiguh beixnuengx Bouxcuengh boq bwngzbi, canghheiq ndawbiengz yienj byoq feiz caeuq langhbaij buhvag minzcuz daengj minzsuz hozdung, angqhoh “sam nyied sam”.

(Lungz Linzci/龙林智)



▲ Gyoengq dahsau yienj diuqfoux.